



Inatsisartunut ilaasortaq
Mala Høy Kùko, Siumut

Allakkap ullua: 17-10-2023
Suliap normua.: 2023 - 22937
Allagaatip ilisamaataa 23478044

Kommunini Annaassiniarnermut Upalungaarsimasut pillugit § 37 naapertorlugu apeqquteqaammut nr. 141-2023-mut akissut

Postboks 1614
3900 Nuuk
Oqarasuaat.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Asasara Mala Høy Kùko,

Inatsisartut Suleriaasianni § 37, imm. 1 naapertorlugu kommunini upalungaarsimasut pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

1. Kommunini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaat nr. 62, 1. november 2021-meersoq sumiiffinni qatserisartut ikilisinneqarsinnaanerannut periarfissiineq allanngortinniarneqarpa?

a. Nalunaarut aallaavigalugu, sinerissami kommunit illoqarfinni tamani qatserisartut 148-nut ikilisinnissaannut periarfissiinerat, naleqqussarniarneqarpa?

Akissut:

Kommunini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaanni nr. 62-imi, 1. november 2021-meersumi § 1, imm. 1 aamma imm. 2 naapertorlugit annaassiniarnermut upalungaarsimasuni inuttat suliniuteqarnermullu atortut agguarnerini minnerpaaffiliussanut nalunaarummut ilanngussaq 1 aamma ilanngussaq 2 malinneqartussaapput.

Taamaalilluni nalunaarut naapertorlugu tunngaviusumik inuttat suliniuteqarnermilu atortut ikilisinneqarsinnaanngillat.

Kisiannili kommunini annaassiniarnermut upalungaarsimasuni pissutsit aalajangersimasut peqqutaallutik tamanna pisariaqartinneqarpat, nalunaarummi piumasaqaatinik saneqqutsinissamut, tassalu matumani Naalakkersuisunut qinnuteqarnissaq periarfissinneqarpoq. Kisiannili immikkut ittumik akuersissut suliniutit, kommunimi annaassiniarnermut upalungaarsimasut isumannaassutsip qaffasissusaatut, nalunaarummi annertussusiliinissamut minnerpaaffiliineri qulakkeerniarneqartut malinneqarnissaannut qulakkeerinissamut

naammaginatutut isigisaat pillugit nassuiaammik tunngavilersukkamik imaqassaaq.

b. Nalunaarummi tassanissaaq innuttaasunik amerlassusiliisimanerit Naalakkersuisunit upalungaarsimanissamat tunngatillugu pissusissamisoorsoraat.

Akissut:

Nalunaarummi § 3, imm. 1-imi kommunini upalungaarsimasut sukkulluunniit upalungaarsimanermit isumannaatsumik suliniuteqarnissamat piginnaasaqarnissap qulakkeerneqarnissaanut pisussaaffilerneqarput. Nalunaarummi kommunini annaassiniarnermut upalungaarsimasut annertussusissaannut minnerpaaffiliinermit aalajangersakkat annertussutsinut minnerpaaffiliinerupput, taamatullu nalunaarummi § 3, imm. 2 naapertorlugu kommunini annaassiniarnermut upalungaarsimasut isumannaatsumik suliniuteqarnissaat qulakkeerniarlugu, tak. § 1, tamanna pisariaqartinneqarpat, inuttanik suliniuteqarnermullu atortunik amerlititsinissamat periarfissaqarput, tassungalu ilanngullugu illoqarfimmi nunaqarfimmiluunniit sanaartukkanik, suliffeqarfinnik illunilluunniit, immikkut ittumik ulorianaatilinnik peqarpat, imaluunniit siornatigut upalungaarsimanermit annertussutsinik minnerpaaffiliinerup naammanginnera erseqqissarneqarsimappat.

Taamaattumik kommunini annaassiniarnermut upalungaarsimasut isumannaatsumik suliniuteqarnissamat tamanna pisariaqartinneqarpat, inuttanik suliniuteqarnermullu atortunik amerlisitsinissamat periarfissaqareerput.

2. Suna pissutigalugu nalunaarummi inoqarfiit 30.000-it sinnerlugu inuttussuillit ilanngunneqarsimappat?

Akissut:

Nunatsinni illoqarfiit alliatormata, taamaalluni illoqarfinnik 30.000-inik amerlanerusunilluunniit inulinnik peqalernissaa naatsorsuutigineqarpoq. Tamanna assersuutigalugu Kommuneqarfik Sermersuup periusissiaanut atuuttumut atatillugu naatsorsuutigineqarpoq, tassanilu 2030-mi kommunimi innuttaasut 30.00-inngornissaat siunnerfigineqarpoq.

3. Naalakkersuisut isumaqarpat atortunik annikinnerpaaffiliineq pissusissamisoortoq, aamma sumiiffinni mittarfeqarfeqartuni biilersuarnik imermik assartuussisuttilinnik piumasaqaateqarnissaq eqqarsaatigineqarsimangila?

Akissut:

Apeqqutip immikkoortuanut siullermut tunngatillugu 1b-p ataani akissut assingusoq innersuussuutigineqarpoq.

Pisortat mittarfeqarfiini, inuussutissarsiutigalugu timmisartut atorlugit ilaasunik angallassinermut atorneqartuni qatserisartut annaassiniartartullu mittarfinni qatserisarnermut annaassiniartarnermullu maleruagassani maleruagassiuunneqarput. Tamanna aamma imaatigut annaassiniartarnermut,

silaannakkut angallannermut inatsimmi (tak. inatsit pillugu nalunaarut nr. 1484, 19. decembari 2005-imeersoq), Naalagaaffiup Silaannakkut Angallasseqatigiiffianiit "Qatserisarnermut annaassiniartarnermullu aalajangersakkat", BL 3-9-mik aamma BL 3-9A-mik taaneqartoq naapertorlugu maleruagassiuunneqartumut atuuppoq.

Kommunini annaassiniarnermut upalungaarsimasut mittarfinni qatserinermut atortoqarnissamut pisussaaffeqanngillat, kisiannili mittarfinni qatserisartut annaassiniartartullu peqatigalugit annaassiniarnernut inuttat/piginnaasat aamma suliniuteqarnermut atortut naammattussaallutik. Taamatut pisoqartillugu assersuutigalugu timmisartoq ikuallattoq qaminneqareersimassaaq, tamatumalu kingorna kommunimi suliniuteqarnermut pisortap suliniuteqarnermi aqutsisutut akisussaaffik tigussavaa.

4. Nalunaarut naapertorlugu nunaqarfiit qatserisartoqarnikkut, inuttaqarnerat atortutigullu minnerpaaffissalersimanerat, Naalakkersuisunit pissusissamisoortutut isiginerpaat?

Akissut:

Akissuteqarnermut 1b-mut akissut innersuussitigineqarpoq.

5. Nalunaarut naapertorlugu piumasaqaatit eqqarsaatigalugit, atortorissaarutit imaani annaassiniarnermi atortut ilinniarsimassuserlu naleqquttut ingerlassinnaanissaat Naalakkersuisunit qanoq isumaliutigisimavaat?

Akissut:

Kommunini annaassiniarnermut upalungaarsimasut annertussusiinik minnerpaaffiliineq pillugu nalunaarummi immami annaassiniarnissamut atortut pillugit piumasaqaatinik peqanngilaq. Tassalu immikkoortumut akisussaaffinnut tunngavissaq aamma suliassaqaarfimmut atuuppoq, tassanilu Kalaallit Nunaanni Politiit najukkat imartaanni (3 sœmilit tikillugit) ujarlernernut annaassiniarnermullu akisussaasuupput.

6. Upalungaarsimanermut Inatsit 2010-meersoq annikitsualukkaanik allangortinneqartartoq ullutsinnut naleqqussaqqillugu suliarineqarnissaanik pilersaaruteqartoqarpa?

Akissut:

Tamanna pillugu suliassanik aalajangersakkanik soqanngilaq, kisiannili erseqqissaatigineqassaaq, nalunaarutit taakkununga atasut ineriartorteqqinnissaat, taamaalillunilu oqartussaaffimmut inatsisit inuiaqatigiit ineriartornerinut malinnaanissaat pisariaqarmat.

7. Qatserisartunik ilinniartitsineq pillugu nalunaarut nr. 33, 6. september 2001-meersoq Upalungaarsimanermut Inatsimmut 2010-meersumut naleqqussarlugu suliarineqarnissaa pilersaarutaava?

a. Taamaassappat qaqugu tamanna piareerneqassava?

Akissut:

Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmit oqaatigineqartut malillugit, qatserisartut ilinniartitaanerinit maleruagassat nalunaarutip suliarineqarnerata kingorna inatsisit allannguutaannut naleqqussarneqarnissaat siunertaralugu, Naalackersuisut nalunaarutip nutaap suliarineqarnerata aallartinnissaanik siunnerfeqartut.

Nalunaarusiornissaq piaartumik pisussanngortinneqassaaq.

8. Qatserisartunik ilinniartitsinermit aningaasartuutit annertusineqarnissaat Naalackersuisunit pilersaarutigineqarpa?**Akissut:**

Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmit oqaatigineqartut malillugit, Naalackersuisut – kontop pingaarnerup: 40.91.27 KTI ataani – qatserisartunngorniat ilinniarfianni ilinniartitaanerup ingerlanissaanut immikkut tapiissuteqarnissamik pilersaaruteqanngikkallarput.

9. Qatserisartut ajunngitsorsiaqartinneqarnerat assigiinngitsumik ingerlanneqarpoq, ilinniagaq imaluunnit akisussaaffik assigiittoq sumiiffimmi najugaqarnerat aallaavigalugu akissaasersorneqartarlutik - Naalackersuisunit nalimmassarneqarnissaat pilersaarutigineqarpa?**Akissut:**

Tamanna sulisartut peqatigiiffiata ataani apeqqutitut isigineqarpoq.

10. Oqartussaaffiit upalungaarsimanermi suliaqartut pingasuusut (qatserisartut, politiit peqqinnissaqarfillu) suliassaqarfii suunersut ersarissarneqarnerunissaat Naalackersuisunit pilersaarutigineqarpa?**Akissut:**

Kommunini upalungaarsimasut suliassaqarfii suliassaallu kommunini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaanni nr. 62-imi, 1. november 2021-meersumi allassimareerput. Inatsimmi tassani suliassaqarfiit suut kommunini annaassiniarnermut upalungaarsimasut akisussaaffinngikkaat nassuiarneqarput. Tassani Search and Rescue-mut aamma peqqinnissaqarfiup napparsimasunik angallassinerinut tunngasut pineqarput.

11. Navianaatillit aallaavigalugit annertussusiliinissamut (risiko baseret dimensionering) inissiiniarneq eqqarsaatigalugu sinerissami qatserisartut aqutsisui ulluinnarni suliaqartussat pikkorissarneqarnikuuppat?**a. Pikkorissarneqarsimanngippata tamanna qaqugumut pilersaarutigineqarpa?**

Akissut:

2013-imili Kalaallit Nunaanni annaassiniarnermut upalungaarsimasut annertussusilerneqarnerini ulorianartorsiorfiusut tunngavigalugit pikkorissartitsisoqarpoq. Tamanna Kalaallit Nunaanni Upalungaarsimanermit Inatsisip atuutilernerata kingorna Kanukoka-mit ingerlanneqarpoq.

12. Upalungaarsimanermik aqutsisoqarfimmik pilersitsisoqarnissaa Naalackersuisunit pilersaarutigineqarpa?

Akissut:

Maannarpiaq tamanna pillugu suliaqartoqanngilaq. Kisiannili erseqqissaatigineqassaaq, kommunini annaassiniarnermut upalungaarsimasut pillugit misissueqqissaarnermi, 2018-imeersumi siunissami nunatsinni upalungaarsimasut aaqqissuussaanissaannut periarfissatut ilusiliat assigiinngitsut allassimmata, tasanilu aaqqiinissamut najoqqutassat assigiinngitsut arlallit innersuussutigineqarmata. Aaqqiinissamut najoqqutassani taakkunani ilaatigut allassimavoq, nunatsinni upalungaarsimanermi aqutsisoqarfimmik qitiusumik pilersitsisinaanissamut periarfissat misissuiffigineqartut.

Inussiarnersumik inuulluaqqusillunga



Kalistat Lund